

全
閩
詩
話

全閩詩話卷十一 羽士 縉流

晉安鄭方坤編

張湛

挖鶴仙人名屬仁乃天白元虛老君華真仙師第七子也嘗駕鶴至武夷時魏王子騫與張湛等禱雨龍潭而仙人適至騫等具懇遂獲甘霖湛因獻詩曰武夸山上武夷君白馬垂鞭入紫雲空裏只聞三奠酒龍潭波上雨紛紛屬仁見子騫等丰骨異常訪道精確乃遣何鳳兒往天台取仙籍檢視具載子騫與湛等先以飲酒過度忤黃元真人謫居此山入百年後仍得蛻骨仙化因授以九品丹書

武夷山志

徐登

閩國西嶽名山其山有如寶蓋浮空所以名爲高蓋神
仙徐君登兄弟姊妹七人同隱於此世莫知也迄于乾
封時歲乃因東嶽霍童山趙君昞出彼杳冥來於絕頂
白岩樵者戢步林間伏形巖下見趙與徐酌東岩水剝
枯桑皮二人飲罷俱醉臥焉良久昞起語登曰吾當先
去子亦速來登曰鳳立烟霄迥桃香碧澗逢言畢不見
樵者出山初疑玄夢復似前生至於儀封二年上元之
旦果見登兄弟姊妹化于壇上並如蟬蛻上昇詳于鳳
立之年果應鶴化之讖登所居宅在仙壇之上藥竈丹
井今尚存焉按漢書登傳云登物故昞東入章安章安

令惡其惑衆收殺之則二人並無昇仙事鳳立烟霄桃
香碧澗殆非漢時人語意宋邑令黃叙所記云爾姑存
其說 閩書

許碯

許碯唐時高陽人自稱高陽酒徒少舉進士不第學仙
於玉屋山遍遊名山嘗至武夷絕頂題云許碯自峨山
尋偃月于此又題詩云閩苑花前是醉鄉踏翻王母
九霞觴羣仙拍手嫌輕薄謫向人間作酒狂或詰之曰
我爲就宴崑崙失儀見謫衆目爲顛後忽乘雲去

武夷山志

吳崇岳

吳崇岳泉州人爲龍興觀道士辟穀多年嘗登其宮松

梢禮拜處松枝可六七十尺福建漕使周謂因請隨行
抵於德化縣縣治之東有古松一株高八九十尺上有
鶴巢乃命崇岳登之輕若猿狖容易直上出鶴巢之外
端身飛步手無攀援就纖枝拜如平地其松枝柔軟隨
步低昂畧無損處謂乃爲詩贈曰椿爲冠子布爲裳吞
得丹霞壽最長世俗性靈常樂道出塵風格早休糧枕
中經妙誰傳與肘後方新自寫將百尺松梢幾飛步鶴
栖枝上禮虛皇太平興國中詔見

郡閣雜談

李陶真

李陶真東京人熙寧末至武夷居一曲止止菴出牒示
人乃唐開元時所給衆皆笑之好吹鐵笛每作穿雲裂

石之音僊臆節道士各招飲李俱赴之諸房笛聲一時
同發衆駭之後又是建平里之通仙巖一日留詩別衆
云毛竹森森白剪裁試吹一曲下瑤臺當途不遇知音
者拂袖白雲歸去來衆聞笛聲隱隱漸遠不知所適

山志

邱公

邱公名代失傳在九曲靈峰左石室修煉一日坐化留
詩曰本是瀛洲仙子徜徉玄化洞天笑指蓬萊歸去冲
飛直入蒼烟今名其洞爲邱公洞

武夷山志

王文卿

建寧縣鳳山迎釐觀宣和中有一道士來遊觀中貼二

符於壁旁書云召和氣作融風神府末吏王文卿書又
題詩云不肖年少日仰服誌公名恨不生羽翼裏糧問
道情旣而風馬牛蹤跡遊神京遂失平昔願至今猶飲
聲此行謁玄元邂逅瞻神形令人遂解體後嗣皆豪英
可以光大教振我三元情

閩書

裴道人

紹興中有人自稱江果裴道人頭戴通草花行歌於市
曰好酒嚙三盞好花插一枝思量今古事安樂是便宜
一日於北山石嵌中端坐而逝

泉州府志

白玉蟾

紫帽山有金粟洞唐元德真人鄭文叔居此有道術有

羽士寓書文叔市叔握栗犒使歸視精金也宋寧宗御
書金粟洞刻於石白玉蟾詩白雪亂山深復深洞口枯
樹鳴幽禽玉雪影梅春寂寞琅風韵竹夜蕭森海流城
外青羅帶巖聳天邊碧玉簪憶著仙人鄭文叔淚隨夕
照落平林

閩書

先生姓葛諱長庚字白叟福之閩清人母夢食一物如
蟾蜍覺而分娩時大父董教瓊管是生於瓊蓋紹興甲
寅三月之十五日七歲能詩賦背誦九經父亡母改適
先生師翠虛陳泥丸學道得太乙刀圭之妙九鼎金丹
之書長生久視之書四紫霄嘯命風霆之文出有入無飛
昇隱顯之法始棄家不從師游海上至雷州繼白氏後改

姓名白玉蟾嘉定癸酉翠虛假水解於臨漳復出於武夷
悉受諸玄秘先一盡得其旨乃披髮佯狂遍走名山
有旨召見遣而去一午孟夏伏闕言天下事阻不得達
十月至臨江軍之月亭飲酣袖出一詩與諸從游未
及展玩已躍身江中諸從遊疾呼援溺先生出水面
搖手止之皆謂已解矣是月又見於融州老君洞由
是度桂嶺迤三山結歸於羅浮紹定己卯冬或傳先生
解化於旴江先生嘗有詩云待我年當三十六青雲白
鶴足歸期以歲計之似若相符適年人皆見於隴蜀又
未嘗死競莫知所終

彭紹白
玉蟾傳

陽升菴云白玉蟾詠燕軼羣節後初相見被襖人歸有

所思此二句不媿詞人詞統

白玉蟾事陳翠虛九年始得其道蓬頭跣足一衲弊甚
喜飲酒未見其醉博洽羣書出言成章文不加點大字
草書若龍蛇飛動兼善篆隸尤妙梅竹常自贊云千古
蓬頭跣足一生服氣殫霞笑指武夷山下白雲深處吾

家
錄尚友

一人以十八學士軸獻豪士甚愛之許以百金及數書
中止得十七人却還之其人抱軸而泣於途遇白玉蟾
問以故王蟾題詩於上曰臺閣崢嶸倚碧空登瀛學士
久遺踪丹青想出忠良手不盡當年許敬宗仍獲百金

半庵
夕話

諸葛琰以任子累官邵武軍光澤尉闕寇弄兵山谷州郡騷動琰提步兵轉鬪旬日授首真德秀上其事於朝進階儒林郎琰聰邁豪放居官清貧家居與白玉蟾相善蟾贈之詩有指點篇書說向誰武侯之後獨君奇許軼却大堯天水巖瀨應高漢座卑之句

閩書

葛長庚自號白玉蟾閩人也居武夷山中嘉定間詔徵赴闕詔太乙宮封紫清明道真人嘗至武昌賦醉江月懷古云漢江北瀉下長淮洗盡胸中今古樓櫓橫波征鴈遠誰見魚龍夜舞鸚鵡洲雲鳳皇山月付與沙頭鷺功名何處年年惟見春絮非不豪如周瑜壯如黃祖亦逐秋風漫野草閒花無限數渺在西山南浦黃鶴樓人

亦烏年事江漢亭前路浮萍無據水天幾度朝暮

詞苑叢談

白玉蟾本姓葛名長庚嘉定末詔徵赴闕對御稱吉命

館太乙宮一日不知所往海瓊集賀新郎詞昔在神霄

府是上皇嬌惜便自酣歌醉舞來此人間不知歲仍是

酒龍詩虎

南宋雜事詩註

白玉蟾幼敏慧十歲應神童科王司命賦織機詩卽應

聲曰大地山河作織機百花如錦柳如絲虛空白處做

一匹日月雙梭天外飛其後屢試不第拂袖入羅浮得

洞立雷法能呼召雷雨生平文思汪洋頃刻數千言善

詩其草書有龍翔鳳翥之勢復遍遊名山後至武夷曾

講法於冲佑之采隱堂居止止菴嘉定間召對稱吉館

太乙宮一日不知所往詔封紫清明道真人有瓊瑤集

行世

武夷山志

陳羶頭

紹興末福州有丐者陳羶頭不知何許人衣裳垢弊不
與人接語形容尤極穢濁然未嘗梳髮而頭無蟻虱未
嘗澡浴而身不臭多處於安泰橋之西偏以破絮自蔽
僅能容膝口中常吐一物於掌瑩白正圓玩弄不已或
爲人所窺則笑而復吞之蓋內丹也若坐若臥動靜月
餘不出乞食藹然一出則奔走不少駐張圓覺頗識其
異遺之詩曰釋氏三千金世界道家十二玉樓臺不知
雲鶴歸何處空使羶頭夜臥堦後數年失其所在

夷堅志

馮觀國

馮觀國邵武人遊方外遇異人得內丹之法自稱無町
畦道人寓宜春二年言人吉凶盡驗或有謂其醉狂者
觀國以詩謝曰踏遍紅塵四百州幾多風月是良儔朝
來應笑酩酊顛叟道不相侔風馬牛紹興中端坐而逝

張道人

福唐張道人多與人言偈語人禍福如徐神公言法華
既過無不神驗然亦時有戲劇警動小人者郡有胥魁
其性剛悍素爲郡人所惡偶以年勞出職既府謝而出
躍馬還家道逢道人衝突而過旣內不自安下馬挽張
且求偈言張於茶肆取紙大書與之曰畜生騎畜生兩

箇不相爭坐者只管坐行者只管行看覽之大慚而退
予兒時嘗聞魏處士隱居陝府有孔目官姓王者好爲
惡詩嘗至東郊舉示魏又言其精於屬對魏甚苦之而
不能却也一日忽有數客訪魏而王至云某夜得一聯
似極難對能對者當輸一飯會衆請其句云籠床不是
籠牀蚊虻乃是籠床方竊自稱奇而魏卽應聲曰我有
對矣可以孔目不是孔目驢紉乃是孔目一座稱快王
卽拂衣而出終身不至草堂也蓋小人僭妄不可堪忍
雖大修行人與大雅君子箭在機上不得不發也

春清
記聞

王與敬

王與敬號狄崖三山人居武夷山嘗在雲州求雨大應

城中有妖治之頓滅當事薦於朝授號至道玄應通判
法師至大間乞還山有句云依然拂袖歸山去止止菴
前伴白雲

武夷山志

彭日隆

彭日隆號隱空崇安人初爲萬年宮新戒遇異人傳授
雷法禱雨極驗荆和陽道院於九曲虞文靖公集爲之
記初未嘗學問讀清淨經有悟信口吟咏頗有理致嘗
自贊云五五二十五只管從頭數到底一也無松梢月
當午卒時正七十五歲

武夷山志

俞震齋

俞震齋沙人秘傳符錄精五雷祈禱術同時有黃天玄

全閩詩話

卷十

八

言詩庫

者住持宜福觀亦能此術洪武二十年省城大旱藩司
召二人祈雨既至分東西立壇私約曰吾二人雨當有
辨乃以書符硃墨二硯分投水缸中須臾雨至一壇水
黑一壇水紅時有贈之詩曰三日登壇三日雨一聲號
令一聲雷

閩書

沽飲道人

福州安翁者以市酤爲業常有道人沽飲輒去不償直
翁亦不責久之道人來會翁曰良意久不酬今幸枉過
乞遂偕行翁許之須臾至一山下草菴中成賓主畢道
人曰有一道友去此甚近亦有仙術僕往邀請共君相
娛可乎翁喜諾道人遂去久不來翁且餒顧室中蕭然

無供具惟破釜在壁下餘飯可升許仰視屋梁上懸櫛
數顆壁上張畫梅一軸翁不勝餒取釜中飯食訖道人
適至曰道侶不遇無以爲歎不陋貧居可遂留數日耳
翁懇辭道人再三曰煩君遠臨無以相贈奈何翁曰可
掇壁間畫耳道人曰此吾道友之物奈何與君君旣相
愛吾當揭之耳旣覆之以手拭之宛然如畫因題其上
曰爲買東平酒一卮邇來相會話仙機壺天有路客人
到凡骨無緣化鶴飛莫道烟霞愁縹緲好將家國認希
夷可憐寂寞空歸去休向紅塵說是非翁持此遂別迷
道不知所向問野中人曰福州離此四日程耳翁始悟
遇仙悵悵而歸翁後以壽終於家云 異林

卓晚春

卓晚春莆人生嘉靖間自號無山子亦曰上陽子人呼爲小仙幼孤無資行丐於市八歲善算籌指掌上雖千萬不爽言休咎事皆奇中初不識字十四能詩十六善草書當道聞其名召見之輒與抗禮少時蓬跣履霜著黑麻布裙及長冬寒或贈之緇矣顧雖霜夜必露宿石上或日走浴溪溪飲水十數甌曰漂我紫金丹也時莆中寇疫類仍甲寅歲託言北征過江橋謂人曰我去後橋石折莆陽變矣丙辰橋石果折壬戌遂有陷城之變其先知如此後蛻化於杭州淨慈寺小仙所爲詩曰天上逍遙卓晚春桃源深處老乾坤倒騎黃鶴歸滄海脚踏

帶青天幾片雲唐順之作小仙草書歌有瓊謁東海荆
公符蒼古太廟姬王瑑藤纏老樹千尺挂鷹攫寒崖百
鳥懷之句聞書

虞頤子

武夷汪道人自號癡頤子又號麗陽嘉靖初修真子接
筇峰遺蛻蓋于峰之石壁予游武夷得汪手錄吟稿一
冊中多佳句有答葉東林云柴扉終日對雲關何事遊
人興未闌花雨正迷蝴蝶角競茶烟初歇鶴聲殘閒儲白
石資荒歉旋種丹田不屬官近獲兩枝歐冶劍請君夜
傍斗牛看又如石榻枕泉眠竹影柴門留月浴金丹又
如紫檀匣鎖玄中印白玉繡懸厠後符又如曉炊石鼎

三甌雪午枕山屏一縷烟絕句如幔亭峯下寒雲外流水飛花送小舸夜宿山房清不寐紫簫吹徹月雲高又如赤壁玄堂水火交青山旋繞白雲塲枕琴臥誦黃庭罷新月鉤簾傍鶴巢絕無烟火食氣筆精

天柱峯樵者

嘉靖間有田父於武夷天柱峯下遇一樵者坐談久之問父曾見仙乎父曰未也所謂仙窟特虛語耳樵者笑出袖中詩一紙與之其詩云曾買金陵酒一卮與君相共話玄機盡天有路容人到凡骨無緣化鶴飛莫道烟霞愁縹緲好將鄉國認依稀可憐寂寞空歸去休向紅塵語是非以紙示人忽風過字跡皆滅父自是不食不

眠浪跡雲水不知所終

武志

東觀道士

顧野王舊宅在建寧東觀有道士題詩云天上歸來鬢
已皤故山涼月在松蘿自傳一曲廣陵散幾見桑田生
白波正德庚辰改觀爲建安學宮桑田之嘆其先識歟

精筆

祭和尚

元和十二年觀音菩薩大慈悲力欲化陝右不現爲美
女人見其姿貌風韻欲求爲配女曰我亦欲有所歸但
一夕能誦普門品者事之黎明徹誦者二十餘輩女曰
女子一身豈能配衆可誦金剛經至旦通者猶十數人

女復不允更授以法華經七卷約三日通至期獨馬氏
子能通經女令具禮成婚馬氏迎之女曰適體中不佳
俟少安相見客未散而女死馬乃葬之數日有老僧杖
錫謁馬氏問女所由馬氏引之塋所僧以杖撥之屍已
化雄黃金鎖子之骨存焉僧錫挑骨謂家曰此聖者憫
汝等障重故垂方便化汝耳宜善思因免墮苦海語訖
飛空而去泉州粲和尚贊曰丰姿窈窕鬢微斜賺煞郎
君念法華一把青頭挑去後不知明月落誰家

感應傳

靈雲禪師

福州靈雲志勤禪師本州長溪人也初在潯山因見桃
花悟道有偈曰三十年來尋劍客幾回葉落又抽枝自

從一見桃花後直至如今更不疑滯覽偈詰其所悟與之符契囑曰從緣悟達永無退失善自護持

指月錄

僧義存

雪峰難提塔義存禪師所預造自序曰夫從緣得者始終成壞非從緣得者歷劫常堅堅則在壞則損雖然離散未至何妨預置者哉所以石室未函搬土爲龕諸事已備脚北頭南比至其時橫山睡酣塔後黃滔爲作銘者也蘸月池旁有古杉乃閩王審知與義存手植皆數十圍義存植者直而叅天閩王植者樛而逮地水磨磨下絕雀初義存題云菴前永日無狼子磨下終年絕雀兒至今信然

閩書

唐懿宗咸通六年七月雪峰祖師登象骨山曰真吾居也乃誅茅爲菴學徒翕然其山屬侯官縣環控四邑峭拔萬仞先冬而雪盛夏而寒因以雪峰名焉師住山後嘗作詩曰光陰迅速暫須臾浮世何能得久居出嶺年登三十二入閩早是四句餘他非不用頻頻舉已過還須旋旋除報與潮朝朱紫道闕王不怕佩金魚

小草齋詩話

僧師貴

福州白鹿師貴禪師問牛頭未見四祖時百鳥啣花供儀見後爲甚麼不來師曰曙色未分人盡望及乎天曉也如常

閩書

僧如體

福州芙蓉山如體禪師僧問如何是古人曲調師示頌
曰古曲發聲雄今時韻亦同若教第一指祖佛盡迷蹤
聞書

僧神祿

瑞峯院神祿禪師久爲瑞巖侍者後開山創院學侶依
附有偈曰蕭然獨處意沉吟誰信無絃發妙音終日法
堂惟靜坐更無人問本來心 聞書

師郁

僧問如何是隨色摩尼珠師曰青黃赤白曰如何是不
隨色摩尼珠曰青黃赤白問維摩與文殊對談何事曰
惟有門前鏡湖水清風不改舊時波 聞書

僧懷濬

稱歸僧懷濬不知何所人乾寧初知來誠往皆有神驗
刺史于公以其惑衆繫而詰之乃以詩代通狀云家在
閩山西復西其中歲歲有鶯啼如今不在鶯啼處鶯在
舊時啼處啼又詰之復有詩云家在閩山東復東其中
歲歲有花紅而今不在花紅處花在舊時紅處紅守異
而釋之詳其詩意似在海中得非杯渡之流乎

北夢
瑣言

僧弁益

弁益者閩僧也從吳越王登綠波亭王曰三千里外一
條水弁益曰十二時中雨度潮人以爲切對

五代
詩話

僧法輝

泉州開元寺法輝禪師禪餘頗以詩白娛與呂緝叔石
聲叔陳原道釋居億居全爲同社嘗題憲師壁曰遠浸
谿光碧寒生松檜陰漁舟驚暮雨高吹入秋林此境長
年在吾師靜隱心

調書

僧惠崇

國朝浮圖以詩名於世者九人故時有集號九僧詩今
不復傳矣余少時聞人多稱其一曰惠崇餘八人者忘
其名字也予亦畧記其詩有云馬放降來地鵬盤戰後
雲又云春生桂嶺外人在海門西其佳句多類此其集
已亡今人多不知有所謂九僧者矣是可嘆也當時有
進士許洞者善爲詞章俊逸之士也因會諸詩僧分題

出一紙約曰不得犯此一字其字乃山水風雲竹石花
草雪霜星月禽鳥之類於是諸僧皆闕筆泐咸平三年
進士及第時無名子嘲曰張康渾裏馬許泐闕裴妻者
是也

六一
詩話

歐陽文忠公詩話載宋朝詩僧九人時號九僧詩其間
惠崇尤多佳有有百句圖刻石於長安甚有可嘉者

隱居

詩話

九僧詩極不多崇到長安有人游曲江少草入未央深
之句爲時所稱崇非但能詩畫亦有名世謂惠崇小景
者是也畫史紛紛何足數惠崇晚出吾輩許荆公詩云

爾

宋押
類鈔

僧惠崇不但繪事精妙詩句亦清遠有冰雪松霞之韵
嘗作句圖書其所最得意如嶺暮春猿急江寒白鳥稀
掩門清甘老出定白髭長鳥歸杉墮雪僧定石沉雲空
潭間鹿飲疎樹見僧行磬斷玉聲出峯迴鴈影沉繁霜
衣上積殘月馬前低移家臨醜石租地得靈泉殘月楚
山曉孤洲江廟春松風吹髮亂巖溜澗棋寒雲殘僧掃
石風動鶴歸林禽寒時動竹露重忽翻荷楚人傳相鶴
山吏學彈琴地遙羣馬小天濶一鵬平河分岡勢斷春
人燒痕青地形吞蜀盡江勢抱蠻迴露下牛羊靜河明
桑柘空霜多奈木迴雲盡漢山孤夜陽潮動舸秋迴月
臨城葉落風中盡蟲聲月下多扇聲猶泛暑井氣忽生

秋湘雲隨鴈斷楚路背人遙關河雙鬢白風月一燈青
松風傳夕磬溪霧擁春燈圭竇先知曉盆池別見大狐
雲還靜境遠頽發秋空古戍生烟直平沙落日遲來時
雲擁袖別夜月隨筇古木風烟盡寒渾星斗深宋釋
類鈔
惠崇詩有劍靜龍歸匣旗閒虎繞竿其尤自負者有河
分岡勢斷春入燒痕青時人或有譏其犯古者嘲之河
分岡勢可空曙春入燒痕劉長卿不是師兄多犯古古
人詩句犯師兄進士潘閻常誚之曰崇師爾當憂獄事
吾去夜夢爾拜我爾當歸俗耶惠崇曰此乃秀才憂獄
爾惠崇沙門也惠崇拜沙門倒也秀才得無詣沙門島

寇萊公一日延詩僧惠崇於池亭探闥分題丞相得池
上柳青字韵崇得池上鷺明字韵崇默遠池逕馳心於
杳冥以搜之自午及晡忽以二指點空微笑曰已得之
已得之此篇功在明字凡五押之俱不倒方今得之丞
相曰試請口舉崇曰照水千尋迥樓烟一點明公笑曰
吾之柳功在青字已四押之終未慙不若且罷崇詩全
篇曰雨絕方塘溢遲徊不復驚曝翎沙日暖引步島風
清及斷句云主人池上鳳見爾憶蓬瀛湘山野錄
惠崇善爲寒汀烟渚瀟灑虛曠之狀世謂惠崇小景畫
家多喜之故魯直詩云惠崇筆下開江面萬里晴波向
落暉梅影橫斜人不見鴛鴦相對浴紅衣東坡詩云竹

外桃花三兩枝春江水暖鴨先知
葦蒿滿地蘆芽短正是河豚欲上時
舒王詩云畫史紛紛何足數惠崇晚出
吾輩許沙平水淡西江浦是鴈靜立
將儔侶皆調其工小景也

前話
陽秋

東坡言僧詩要無蔬筍氣固詩人龜鑑
今時誤解便作世網中語殊不知本
分家風水邊林下氣象蓋不可無
若盡洗去清拔之韵便與俗同科又
何足尚齊已云春深遊寺客花落閉
門僧惠崇云曉風飄碧遠暮雪入廊
深華實相副顧非佳句耶

西清
詩話

唐僧詩云河分岡勢斷春入燒痕青
有僧嘲其踏襲云河分岡勢司空曙
春入燒痕劉長卿不是師兄偷古句

古人詩句犯師兄此雖戲言理實如此作詩者豈故欲
竊古人之語以爲己語哉景意所觸自有偶然而同者
蓋日開闢以至於今只是如此風花雪月只是如此人
情物態鵲林玉露

僧文兆

宋九釋詩惟惠崇師絕出嘗有河分崗勢斷春入燒痕
青之句傳誦都下籍籍喧著餘緇遂寂寥無聞因忌之
乃厚誣其盜闕僧文兆以詩嘲之曰河分崗勢司空曙
春入燒痕劉長卿不是師兄偷古句古人詩句犯師兄

湘山
野錄

宋時詩僧最多如秘演惟儼參寥善權輩皆與歐蘇秦

黃友善故名重一時又有九僧者同出宋初其詩皆學
賈島周賀瀛奎律髓中有南越文兆宿西山精舍云西
山乘宿興靜禪寂寥心一徑杉松者三更雨雪深草堂
僧語息雲閣磬聲沉未遂長栖此雙峯曉待等

釋史
彙編

僧可仕

東坡言僧家詩要無蔬筍氣此爲太著相者道耳要之
世間神情境物與詩合者莫過於僧若舍方外之踪而
逐烟花綺麗之場不但失本來面目亦且墮惡道而不
知天聖間闕僧可仕有送僧詩云一鉢卽生涯隨緣度
歲華是山皆有寺何處不爲家竺重吳天雪鞋香楚地
花他年訪禪室寧憚路岐賒雖小乘語亦自楚楚若以

蔬筍氣病之非知詩者如洪覺範詩已收一霎臥龍雨
忽起千巖撼鷄鳳麗句妙於天下白高才侈似海東青
井不奇也如魏惡何

小草齋詩話

僧朋多

洪州西山與滕王閣相對一僧盡覽詩板告郡守曰詩
不佳因朗吟曰洪州太白方積翠倚空蒼萬古漣新
半江無夕陽千巖之遣出闕僧有朋多詩如虹收千
雨潮展半江天又曰詩因試客分題僻慎爲饒人下
低亦巧思也

中出詩話

古今詩話云南方浮屠能詩者多士大夫鮮有汲引多
汨沒不顯福州僧有詩百餘篇其中佳句如虹收千嶂

雨潮展半江天不減古人也若溪漁隱曰此一聯乃體
李義山詩虹收青嶂雨鳥沒夕陽天所謂屋下架屋者
非不經人道語不足貴也

漁隱叢書

僧懷璉

懷璉漳州陳氏子住明州育王山賜號大覺禪師住
東京仁宗皇帝與爲法喜游和宸翰詞句甚多然皆蹤
跡上語初不敢出新奇宏妙之言至觀平日所作則驚
絕之句甚夥

林間錄

大覺禪師學外工詩舒王少與游嘗以其詩示以公
曰此道人作肝臟鰓頭也舒王不悟其意歐公曰是中
無一點菜氣璉蒙仁廟賞識留住東京禪院甚久

偶乞還山云千簇雲山萬壑流閒身歸老此峯頭殷勤
願祝如天壽一炷清香滿石樓

冷齋
夜話

僧可遵

福州僧可遵好作詩暴所長以蓋人叢林貌禮之而心
殊不然嘗題詩湯泉壁間東坡遊廬山偶見爲和之遵
曰禪庭誰立石龍頭龍口湯泉沸不休有待衆生塵垢
盡我方清冷混常流東坡曰石龍有口口無根龍口湯
泉自吐吞若信衆生本無垢此泉何處覓寒溫遵自是
愈矜伐客金陵佛印元公白京師還過焉遵作詩贈之
曰上國歸來路幾千渾然猶帶御爐烟鳳凰山下敲蓬
詠驚起山翁白晝眠元獻答曰打睡禪和萬萬千夢中

趨利走如烟勸君打快修禪定老境如蠶已再眠元詩

雖少蘊藉然一時快之

冷齋
夜話

僧可遵者詩本凡惡偶以直待衆生總無垢之句爲東坡所賞書一絕於壁間繼之山中道俗隨東坡者甚衆卽月傳至圓通遵適在焉大自矜詡追東坡至前途而途中又傳東坡三峽僑詩遵卽對東坡自言有一絕却欲題三峽之後旅次不及書遂朗吟曰君能識我湯泉句我却愛君三峽詩道得可嚙不可漱幾多詩將監降旗東坡旣悔賞拔之誤且惡其無禮因促駕去觀者稱快遵方大言曰子瞻護短見我詩好甚故妬而去徑至棲賢欲題所舉絕句寺僧方磨石刻東坡詩大詬而逐

之山中傳以爲笑

老學庵筆記

仁王寺僧

福州仁王寺有僧喜唱望江南一日忽題壁曰不嫌夫
壻醜亦勿厭深村但得一回嫁全勝不出門或曰此僧
欲出世矣言於當路延主一剎未久若有不樂者又題
云當初只欲轉頭銜轉得頭銜轉不堪何似仁王高閣
上倚欄閒唱望江南李內翰元善每稱此二絕倦遊輒
曰吾欲唱望江南矣

後部詩話

此與不暇唱渭城語相似而僧詩特佳

居易錄

僧圓悟

崇安開善院圓悟和尚法性圓徹學貫儒釋嘗和晦菴

梅詩有可憐萬木凋零後屹立風霜慘淡中之句又贊
晦菴像云巖巖泰山之聳浩浩海波之平凜乎秋霜澄
肅溫其春陽發生立天地之大本極萬物之性情傳先
聖之心印爲後人之典刑順寂之日晦菴哭以詩曰一
別人間萬事空焚香瀹茗悵相逢不須更話三生石紫
翠參天十二峯悟又善畫喜作竹石號枯崖

閱書

簡天石

天石福州候官水西石松寺僧紹興十年天石栽松三
木於石上自刻石云一與寺門作名實二與山林作標
致三與游人作陰涼題詩云偃蓋覆巖石歲寒傲霜雪
深根蟠茯苓千古飽風月寺初名石嵩後名石松以此

續高僧傳

僧倚遇

倚遇禪師住法昌在分寧北千峯萬壑古屋數間火種刀耕衲子至者皆不堪其枯澹坐此成單丁開爐日輒以一力搗鼓陞座曰法昌今日開爐行脚僧無一個唯有十八高人緘口圍爐打坐不是規矩嚴難免見諸人

話墮古權錄

僧德豐

僧德豐三山人有重陽詩云戰盡今秋見太平西風多作北風聲不吹烏帽吹檀帽籬下黃花笑不成鐘山長老舉以自代答云耿耿孤吟對古梅忽傳軍將送書來

倚崖枯木摧殘甚虛負陽和到一回竟不赴山房隨筆

文謙

文謙閬縣人十一歲出家遊吳越歷金陵住台之鴻福寺振揚宗教洪武初召對稱旨久之語其徒曰吾將去矣援筆書偈云有世可辭是衆生見無世可辭是如來見踏倒須彌廬虛室無背面端坐而化有秋懷次韵詩命晉昔聞千矢賜拜韓今見一軍驚地連赤縣城中阻水入黃河總未清幾莖素髮殊方病半幅鄉書故國情洛下傷時同賈誼成都買卜似君平詩集

僧祖庭

祖庭和尚初事儒間天界宗泐來復名往師之居東林

菴嘗賦詩諷時士云除却淵明賦歸去更無一個肯休
官有語錄行於叢林

閩書

僧正淳

正淳字古心閩縣人洪武中詩僧有咏苔詩青如蚨血
染頽垣漢寢唐陵幾斷魂莫笑貧家春寂莫漸隨積雨
上青門

閩書

僧笑堂

嚴僧有笑堂與其徒二人皆名能詩笑堂詩如海天一
色鴈雙去山月半規猿自啼佳句也

閩書

僧大圭

釋大圭晉江人博極儒書兼精內典常曰不讀東魯論

不知西來意自號夢觀有夢觀集及紫雲開士傳常作
窮箴曰家無其養君子不窮德不有諸已其窮也恥彼
何人斯饑乎陳之都其善自謀卽衆人不如

閩書

泉州東禪寺用平禪師與釋大圭善其歿也大圭祭之
文曰公以碩朴謙而彌尊遇人以德亦莫不親春風無
言勾萌津津厥行孔淑維道之醇人徒知之謂鳴以文
公惟結餘黼黻其身四方問奇繭足造門公志堅高却
掃深雪室曰寒趣藝惟松筠

閩書

大圭字恒白晉江人泉州開元寺僧有夢觀集恒白語
法侶云不讀東魯書不知西來意此逃墨歸儒之言也
嘗題山居云山色宜茅屋松聲滿鉢盂湖中泛月云偶

臨湖坐得嘉樹欲傍花行無小船均饒風致

靜志居詩話

源潭

侯官雪峯山有二十四景大順中寺僧源潭作也雪峯
云瑤臺凍合深迷路玉樹花開半羅松藍田庄云分水
遠從寒澗落隔雲常見夕陽春一洞山云松逕月斜巢
鶴唳石門雲濕雨龍還無字碑云剝落舊紋惟蘇迹模
糊新篆是蝸涎萬松開云琥珀氣浮成翠靄黃金花落
混香泥梯雲嶺云雲開鳥道層層險路入松門步步通
蘸月池云弄珠神女乘空去臨鏡嫦娥倒影看閨中詩
僧此爲上乘

筆精

僧天印

天順間延津天寧寺天印禪師年四十足不出關至八十一歸寂謂衆曰吾寂後三年某日有星自東飛入西塋吾時也僧徒寄肉身於蒿中三年蠅蚋不侵及期有星大如斗從東入西遂塋之所著黃蘗心要天印語錄徹空內集直透禪微嘗和永明山居詩有云穿來冷鐵多年衲坐破寒龕幾片氈風寒夢醒巢松鶴日暖藤牽挂樹猿鴈將舊侶穿雲去鴉引新雛背雨過寒燈一盞半間屋夕磬三聲幾箇山槿籬土暖花開早竹版泥深荀出長澗水喧空懸瀑布巖松挂月展冰輪皆警句也

筆精

僧明秀

明委候官人嘉靖中鐘山寺僧有哭鄭善夫詩小客商人無日起百年清淚幾時收嗚呼滄海談詩夜無作延陵掛劍秋

閩書

僧道盛

道盛字覺浪閩人住金陵天界寺浪公早登猊座聲動楚越之交白蓮之社不少宗雷青豆之房恒多龍象詩如清明微雨後花鳥亂飛時苦竹長遮徑高松自護關足稱天籟清憐也

靜志居詩話

全明詩話卷十二

神仙

鬼怪

雜綴

晉安鄭方坤編

武夷君

武夷君地官也相傳於八月十五日大會村人於武夷山上置幔亭化虹橋通山下村人既往是日太極玉皇太姥嬪真人武夷君三座空中告呼村人爲曾孫汝等若男若女呼至乃命鼓師張安陵等作樂行酒令歌師彭令昭唱人間可哀之曲其詞曰天上人間今會合疎櫺日落西山兮夕鳥飛歸百年一餉兮志與願違天宮咫尺兮恨不相隨

武夷山記

莊君平

臨有道人嘗見老叟同室歲餘告之曰吾莊君平也取一書授之天明叟出不歸視其書皆修身度世之說今但記其語云事業與功名不直一杯水

夷堅志

徐仙

南唐徐溫之二子知證知謬降神於閩太宗皇帝遣使迎其神祀京師卽洪恩靈濟宮也閩人錄其降筆詩文名徐仙翰藻其偶作云靜裏乾坤不計春非非是任紛紛醒原醉白今何在雲外青山外雲

詩集

世乾廟神

朱葉莊建溪人未第時乞靈於西乾夢王者賜詩云十日陰沉雨皇都喜乍晴浪平龍角穩風細馬蹄輕後

南宮放榜之日久雨乍晴舉擢高第

小草齋詩話

九龍道山

安濟龍王廟在鐵石洞口名九龍宋蔡襄守泉州時有布衣投謁自稱寧化九龍道士頃忽不見取刺觀之得詩一首遠遠青青疊疊峯峯翠
其年讀書翁半坐冷落高宗雨一洞凄凉吉甫風溪隱豹眠寒霧露井凋鳳宿舊梧桐九龍山下英雄氣盡屬君王宇宙中明年襄過謁廟亦答以詩宋時清流尚屬寧化故謂寧化九龍道士也
閩書

青衣童

宋王諮詔弟誥並讀書福平山誥誥俱擢第諮尉古田

誥令歸善當兄弟讀書是間時忽有青衣童指階前桂
云試問梅福尋真隱聊爲東坡訪故居後言皆驗蓋古
田山梅福嘗隱之而惠州東坡謫居在焉歸善惠屬也
聞書

回仙

回仙巖在招賢里一石突起高數十丈下創佛室有僧
名秀者嘗見一道人來遊啖以筍朗吟畢以手畫石作
回仙巖三字而去其詩云天風扶我上崔嵬此是登臨
第二回長嘯一聲山谷應山靈知是道人來

羅源縣志

惠應廟神

邵武惠應廟神初封祐民公建中靖國元年建陽江屯

里亦立祠事之士人江衍謁祠下夜夢往溪南之神宇
聞歌聲闌者止之曰公與夫人方坐白雲障下調按新
詞汝勿遽進少選神命呼衍問曰汝得此詞否衍恐懼
謝曰世間邪復可聞神曰此黃鐘宮錦纏絳也乃誦其
詞曰屈曲新隄占斷滿村佳氣畫簷兩行連雲際亂山
疊翠水回環岸邊樓閣金碧遙相倚柳陰低艷映花光
美好昇平爲誰初起大都風物只由人舊時荒壘今日
香烟地衍驚覺卽錄而傳之然無有能歌者異聞總錄

九鯉湖仙

江西舒修撰芬孝廉時詣祠謁夢五宿無有題壁間去
曰千里尋真意自凌五宵無夢竟無緣神仙不識人間

事歸去揮毫作狀元至苕溪假寐中夢一叟酬之曰千里尋真未作虔五宵無夢豈無緣神仙不洩人間事歸去揮毫作狀元

閩書

鄧朴予里人家陽邏嘗祈夢於九經仙夢人吟曰蝴蝶花荒戲功名在竹間不省所謂已中正德丁卯鄉試簡公霄者邑令也之鄂城阻雪過其家鄧避不出公啣之後公以大中丞節鎮浙省而鄧方倖其屬郡九月菊盛開蝴蝶滿解字郡守張席集諸僚方訝候煖而軍門牒下乃部民訟鄧詞也竹間簡也方悟夢語卽日挂冠

談

箕仙

箕仙之上不知起於何時自唐宋以來卽有紫姑之說

矣今以箕召仙者里坐俗師卽士人亦或能之大率其
初皆本於游戲幻惑以欺俗人而行之旣久似亦有物
憑焉蓋游鬼因而附之吉凶禍福間有奇中卽作者亦
不知其所以然也余友人鄭翰卿最工此戲萬曆庚寅
辛卯間吾郡瘟疫大作家家奉祀五聖甚嚴鄭知其妄
也乃詐箕降言陳真君奉上帝勅命專管瘟部諸神令
卽立廟於五聖之側不時有文書下城隍及五聖愚民
翕然崇奉請卜無虛日適閩獄失囚召箕書曰天網固
難漏人寰安可逃石牛逢鐵馬此地可尋牢無何果於
石牛驛鐵馬舖中得之名遂大譟遠近祈禳雲集時有
同事數人皆余友也余笑問之諸君亦自詫不知其何

以中也泊數年諸君倦於應酬術漸不靈矣然里中兒至今不知其僞也

五雜組

福州西關外轉華菴壁上有箕仙詩一幅云綠雲出洞又入洞白鶴上山復下山道人此日歸何處雲白無心鶴白還字體龍蛇飛動不類人工

兩小

隆慶間閩連嶼有球箕仙者書一詩云赤甲依稀舊戰屯斜陽衰草記家村千秋壁瀉英雄血萬歲堂開忠義魂成旅未能漸卷土車書猶喜正中原平生事業全無補自信身完天地恩問其姓名不答不知其何鬼也

草

蕭詩

林珩

候官林廷珪玠天順壬午年二十領鄉薦至成化乙酉
弟廷玉璠亦領薦同赴會試至鵝湖驛玠得疾璠扶以
歸甫及門卒其魂鬱不散家人每接之夢寐彷彿聞其
聲迹靈几間器物或自動乃如紫姑神法置箕布灰于
几箕輒自舉遂令人扶之箕運不休就視則皆詩文也
別父母有句云如今我已終天別何計能酬寸草心別
兄弟云鴻鴈層雲憐隻影池塘芳草憶殘春別妻云寄
言與爾無他說節義冰霜不可虛賦書樓極目云清風
搖動硯池雲飛鴻點破江山影觀蓮云呼童泛美酒對
此紅芳傾若人已仙去此花空自馨作文贈序凡七十
餘首家人次以成編自名之曰靜庵遺玉序之有曰玉

之體雖藏于山而其德自弗泯焉蓋以自况也初其動
成文之時親友臨者毛髮竦豎久之則答問如平生矣
如是年餘乃已璫後爲御史提學南畿語人如此而其
妻守志果不虛冰霜之戒云

雙標
義抄

吳師禹

成化中侯官吳師禹結屋吳嶼每月夜載酒呼漁翁十
數輩酣飲高歌至嘉靖間吳已物故士人張君壽者舟
泊吳嶼忽上流一翁盪槳而歌曰蓼香月白醒時稀潮
去潮來自不知除却醉眠無一事東西南北任風吹君
壽刺舟與語翁曰我吳師禹也邀君壽至其家酒行復
賦詩云世路無媒君莫悲倚闌看取牡丹枝姚黃魏紫

俱零落能得春風有幾時夜闌就寢旦覺乃在叢莽中
所賦詩箋觸手成灰矣

明詩綜

吳公

南靖黃醒軒授徒縣之古樓道過梁山遇一老人自稱
梁公與談易理不覺日暮老人邀之宿壁間懸詩一軸
題五言絕句云青青千里草隱隱獨家村日暮客投宿
山深虎守門旋出酒共酌一女童侍立問何名女童笑
曰四十年前曾於遇仙橋沽我酒遂忘之耶老人曰無
多饒舌因目之入又贈詩一章云自有安車自不知勞
勞奔走欲何爲回頭打緊修工課似我南山種豆時旣
就寢聞閉戶聲火光漏疎屏間歷歷可見薄曉夢中聞

烏啼起視則露寢草間都無人跡

詩集

永福溪鬼

候官唐瀟微時泊舟永福溪夜聞二鬼共語一鬼吟詩
曰隨波逐浪滯孤魂白骨沉沙漾水痕幾寸柔腸魚齧
斷不開今夜聽啼猿又一吟曰饑烏隨我棠梨道雨打
風吹梨樹老寒食何人奠一卮髑髏戴土生春草既復
相謂曰明日鐵帽生至當得代矣明日瀟候之果有戴
釜濟者淚苦挽之且告之故得止至夜二鬼復語曰今
日鐵帽生乃爲唐參政所救奈何唐聞大喜遂請道士
作章度鬼越數日坐齋中彷彿見二人來謝後果官至
參政

閩小紀

董愧

閻董愧者萬曆間人也能文強記十七而歿父母傷之甚愧遂形見能爲母護湯藥他人間亦見之後殯于里之龍山墓樹往往蟲齧成字或蟻綠土爲字皆成詩句末必云行仙董郎其詩有云原南原北綠如烟萬囀千嬌鳥可憐擷得榆錢盈兩袖春風散買自年年又云龍頭流水樹頭鶯斷續聲低月又明誰道泉高無曉日陽臺無比夜臺清又云薜蘿木擬裁衣服躍冶何曾入夢思螢亂夜空猿鳥寂山前長坐月西移如此甚多後三年蟻於墳上作董郎升化字自後絕無詩矣

閻小紀

莘七娘

華七娘五代時人從夫征討夫沒于明溪鄉七娘葬焉而即居十明溪七娘死合夫葬人莫之雪也明溪者延汀接境要道是有巡簡司驛驛左七娘葬處一夕客假館驛中夜翻琴詩聲甚悲客驚異使反之再誦琅然其詞曰妾身本是良家女幼習女工及書史笄年父母常愛憐遂使良人作鴛信五季亂離多寇盜良人被命事征討因隨奔逐道途間忽染山氣命喪天軍令嚴肅行緊急良人命沒難收拾獨將骸骨葬明溪數尺孤墳空寂寂屈指經今二百年四時絕祀長蕭然未能超脫紅塵路妾心積恨生雲烟達旦客語隣並書其詞壁間去白是鄉人構室墓前祀之禱祈響應每有草寇攻掠屢

獲神助宋嘉定中勅封惠利夫人復加福順夫人相傳
六月十一日爲神誕自宋元迄今士庶虔恭賽饗毋敢
少懈宋文天祥題廟詩曰百萬貔貅掃犬羊家山萬里
受封疆男兒若不平妖虜死愧明溪聖七娘

閩書

石真妃

羅源紫霄巖有二女神號石真妃靈顯頗著二妃者羅
源徐公里石氏女也姊曰月華妹曰雪英皆有姿色涉
書史五季末處州青巾賊作亂二女被擄義不受辱相
繼投河死宋時林孝子慙孫入山採樵遇二女明粧儼
然肅入其家延茶久之吟咏閒雅月華有百尺滄溪採
禹穴寸心皎潔付陶泓雪英有肉芝勝比蓮花鮓甘露

何如竹葉醲之句謂慧孫曰吾石氏女遭難而死上帝
憫吾貞烈勅吾爲火部曜靈真妃吾妹爲水部風毒真
妃封此巖爲紫霄巖命吾主之俗呼曰石八娘巖是也
君以孝聞今雖貧不久當貴已而相別送出慧孫回望
無復人字矣

涉異志

紫姑

元至順辛未間福建廉訪使密蘭沙求仙紫姑降筆云
刀筆相從四十年非非是是萬千三一家富貴千家怨
半世功名百世愆牙笏紫袍今已矣芒鞋竹杖任悠然
有人問我蓬萊事雲在青山水在天

堅錄集

某寺僧母

某寺僧某母年老貧無所歸日止于寺之天王廟從
云子乞食其子與約云每食時喚母一聲必母應乃下
晨又須日織一草屨如是者三年一日織屨次聞喚云
叫娘來忽隨口出偈云叫一聲來應一聲應的就是本
來人如今不用頻相喚萬丈寒潭徹底清顧謂其子曰
無復須汝粥飯矣遂跣趺而逝

吹景集

劉妙清

棘隱菴者宋女道人劉妙清所結白玉蟾記丹樞先生
結廬五曲之奧扃戶絕粒有女道人來訴所以求道之
狀遂歷試以恬淡清苦復語以風俗惡薄又言居巖谷
之難女道人答曰糲粒可以糜飯紬可以衣藜藿可以

餐楮拙可以煨但欲覓片地可以安茅茨無使兩我頭
無使霜我肌父母未生前寒暑何所思枯骨既火後無
復可訴饑山中已如此辨道亦所宜俄而道果成鸞鶴
背空飛先生笑曰人道之易如窮猿投林叛道之易如
游魚躍泥汝能終始吾何幸焉於是亦作數椽附先生
之廬名曰棘隱蓋取何仙姑幽居山林間荆棘隱此身
之句

武夷山志

洪聖保

將軍巖在瀨溪上宋洪氏女名聖保者居之聖保和同
志頌曰一箇巖龕萬物周塵中擾擾到無由儂家儘有
居山意問著依前隔數州聖保居巖十餘載年五十於

惠安龍泉出家布衣一食或絕粒逾年皇祐季冬鄉人
夜深聞音樂聲次早潔髮更衣而卒

閩書

夢中宮女

福州士人李慎言字希古嘗夢至一處水殿中觀宮女
戲毬山陽蔡繩爲之傳叙其事甚詳有拋毬曲十餘詞
皆清麗今獨記兩闋

夢溪筆談

予少從李慎言希古學自言昔夢中至一宮殿有儀衛
中數日妓拋毬人唱一詩覺而記得三首云侍宴黃昏
未肯休玉階夜色月如流朝來自覺承恩最笑倩傍人
認繡毬又云隋家宮殿鎖清秋曾見嬋娟賜繡毬金鑰
玉簫俱寂寂一天明月照高樓又云堪恨隋家幾帝王

舞榭歌臺盡繡鴛鴦如今重到拋毬處不是金爐舊日香
錄侯鯖

京芸香

辛酉之歲十月詔望予與諸客游玉華洞酒旣酣藉草
而臥夢入一莎徑行可百步許見一華表朱榜金書曰
瑤華洞天予意是必真仙之居因蹠而入見宮殿一所
金碧熒煌制度閑麗兩觀迥絕而門扃閉不可得入沉
吟一絕云翠微臺殿濕紅雲五粒高松寄鶴羣銀鑰已
扃豈鮮合不知何處寄茅君乃沿西墉而行墉外有流
水一帶夾岸植奇花美竹極清可鑒毛髮又多白石青
蒲有一女奴青衣紺裳雙鬟翠蛾據石磯而澣予方諦

視女奴輟澣歛衣拜曰子非林郎耶妾之女郎待子久矣妾母惜一往顧妾當爲子通刺予驚愕唯唯女奴從一便門而入少頃出曰女郎倩妾請肅客予踵其武而入路經後苑奇卉異木皆人世所無過冷然御風之館道華萼葆光之樓至怡神亭亭西偏有天葩軒軒中碼碯石几上有紫雲端硯一方兔毫筆二枝玄圭一笏宣和灑金粉箋數幅書集一冊顏曰霞光集女奴曰子姑止此予拱送斯須女奴掖一女年可二八冠翠雲之冠衣霞綃之衣姿容端麗精彩炫耀向予再拜予答禮已延坐於西席女坐東席女奴以白玉甌饋茶味極清芬茶罷予因前席請曰塵凡下士廁跡瑤宮敢請仙真姓

字女曰妾之嚴父瑤華洞主葆素真君董其姓處點其
字妾乃第三女小字芸香也嚴君階列地仙職司文衡
凡文人才子詩文佳者皆錄於霞光集以備上帝觀覽
妾嘗觀君之詩數十首其一鳥鏡天淨萬花潭雨香與
楊雨上白壇暝禮星寒殿開之句尤爲嚴君之所稱賞是
以知石姓字頃者嚴君巡視武夷洞天未歸旣荷見遇
願求作乃令女奴研墨捧筆以俟予謙讓殊久乃揮
韓書曰白玉仙源隔紫霞人間有路入瑤華絳囊倘不
餐松結臥長向天壇掃落花女子覽詩笑曰佳則佳矣然
子方以文章宦達揚名於世辟穀之事俟時至方可議
耳乃標以筆而和若不構思而詩立就曰天葩芳艷絢雲

霞自愧才非萼綠華待得塵緣收拾盡鳳笙同奏碧桃
花予覽畢忽聞饒吹之音聞者報曰真君歸矣女子辭
謝而逝予返出戶猶墜萬仞之淵而覺向視諸客猶枕
藉未起予默識其事而不敢洩既罷會夜宿耕禮軒追
賦是事云赤欄鳥道掛雲烟寤人瑤華小洞天塵念一
萌仙境閉桃花流水自年年翌日避客閒遊先跡履夢
中所行之徑宛然如故但阻一潭深不可測旁皆石壁
巉巖陡不可攀緣潭中有鱖鯉數尾浮沉自若予曰古
人尺素因鯉而傳得非天假其便耶乃製一詩投之淵
曰曾入瑤華洞裏來天葩軒檻絕纖埃玉笙未奏青鸞
曲山下碧桃空自開忽有雙魚啣箋而入如炊黍久見

一蠟土浮有詩云天葩小院敞銀屏鵲散天河逗客星
欲識別來幽思苦晚峯長想黛眉青予覽畢精神惚惚
如失尋所得蠟箋乃一黃葉字亦尋滅緩步怏怏而歸
鳴盛集

王秋英

嘉靖中福清諸生韓夢雲過石湖山見遺骸哀而掩之
是夜宿監田書舍一麗人歛衽拜燈下曰妾王秋英字
澹容楚人也父德育元至正間以兵曹郎叅軍入閩妾
從父之亡遇寇投厓死荷君子厚德惠及骸骨是亦宿
世緣也遂定情焉生一子曰鶴算萬曆癸巳言塵緣已
盡揮淚別詩曰兩年歡會夢魂中聚散人間似轉蓬

歲月無情催去燕關河有信寄來鴻劍沉延浦光終合
瑟鼓湘靈調白工他日扁舟尋舊約夕陽疎影楚雲東

明詩
緯

韓生所遇女子曰王秋英能詩長篇短詠落筆數千言
皆臻理致其詠某貞婦詩曰芳心未可輕行露高節何
須怨凱風其憶生云洞裏僊人路不遙洞庭烟雨晝瀟
瀟莫教吹笛城頭閣尚有銷魂烏鵲橋莫訝鴛鴦會有
緣桃花結子已千年塵心不釋藍橋路信是蓬萊有謫
仙朝暮雲雲驂闕楚關青鸞信不斷塵寰乍逢仙侶拋桃
打笑我津波照霧鬟諸篇爲人所誦生始命賦萬鳥鳴
春卽成四律今便以名集計十餘卷

耳談

莆田女鬼

萬歷初莆田有王太守良臣者築園亭郊外且傾圯矣
崇禎中邑諸生梁鼎鐘假爲學舍有女夜至自稱太守
女鼎鐘與之定情逾三年一夕別去作詩以贈生曰側
側復力力與君長嘆息出入自苦愁單情還相憶

明詩
綜

荔吉人神

福建官無微之元符末出郊見一園荔支垂熟微之採
食少憩樹下朦朧中夢至一室美人盛服出迎携手而
入飲間以云妾身原在粵閩間六月南州始薦盤肉嫩
色嬌丹同骨髓皮枯稜澀紫雞冠咽殘風味清心渴嚼破
天漿沁齒寒却憶當年妃子笑紅塵一騎過長安

廣異
記

鶉怪

蔡元長京既貴享用侈靡喜食鶉每預畜養之烹殺過
當一夕夢鶉數千訴於前其一前致詞云食君廩中粟
作君羹中肉一羹數百命下箸猶未足羹肉何足論生
死猶轉轂勸君宜勿食禍福相倚伏觀此可爲饕餮而

暴天物之戒

庚溪詩話

論語疏公冶長辨鳥語喈喈噴噴白蓮水邊有車覆粟
車脚淪泥犢車折角收之不盡相呼共啄蔡京嗜鶉烹
殺過當一夕夢數千鶉訴於前一鶉前致詞食君廩中
粟作君羹中肉一羹數百命下箸猶未足羹肉何足論
生死猶轉轂怪哉雀能因言鶉能五古似欲以詩專家

者

松山樣
象無窮

妖鼠

成化二年長樂士人陳豐獨坐山齋梁上二鼠相鬪忽
墜瓦爲二老翁長可五六寸對坐劇飲聲如小兒旣而有
二女子歌舞勸酬其歌詞云天地小如猴紅輪自吞吐
多少世間人都被紅輪誤又歌曰去去去此間不是留
儂處儂住三十三天天外天玉皇爲儂養兒女酒旣闌
乃合口爲一大鼠向士人作拱揖狀而去

詩集

仙壇識

蕭河有王霸者王氏遠祖也居福州怡山爲道士常云
吾子孫當王于此方乃爲識瘞壇下光啓中爛柯道士

徐玄景劓地獲其詞曰樹枯不用伐壇壞不須結不滿
一千年自有系孫列又曰後來是三王潮水蕩禍殃巖
逢二乍間未免有銷亡子孫依吾道代代封閩疆解者
以潮水蕩禍殃謂潮除禍患開基業也巖逢二乍間謂
陳巖逢潮未幾而亡也代代封閩疆謂潮與審知兩世
也

上國春秋

上藍識

洪州上藍院和尚失其名精於術數所言輒驗常於唐
末並識云石榴花發石榴開蓋暗伏晉漢之姓也再言
石榴者明享祚不過二世也王審知齋供豫章問國休
咎審尚以十字回報云不怕羊入屋只怕錢入腹時楊

行密方盛常有併吞東南之志審知嘆曰腹者福也得
非福州之患不在行密而在錢氏乎至延羲之亂江南
來代兩浙棄之福州果爲錢氏所有

全唐詩紀

涅槃識

涅槃唐末人名文炬福州黃氏子生時火裏開蓮既長
出家口吐異光發言成議歷歷如券嘗曰生吾前者非
聖人生吾後者非聖人吾去世六十年後當有無邊身
菩薩來治此國聽吾偈曰小月走燦燦于落及萬落處
處鳳離穴家家種芙蓉又爲人語莆中事曰吾所居地
不動干戈又曰烏石山前官職綿綿又曰白湖腰欲斷
莆陽朱紫半水遶壺公山此時大好看後人解其語云

小月走者趙也爍八德王也鳳離穴藩鎮散也種葵
曜人耕耘也無邊身廣大也蒲陽比事世言藝祖自無
邊身菩薩以誓願救來世者未有所出當俟尋討彼未
見識言也藝祖登極以建隆庚申去其示滅於唐光化
戊午蓋年六十二也五季雲擾莆不及兵留從効陳洪
進先後歸順民用安堵故言不動干戈也烏石山前官
職綿綿者九大姓居山下也白湖腰欲斷者熙寧時斷
水爲橋也水達壺公山者李宏築木蘭陂成也凡涅槃
識驗皆此類也 闕書

黃公度曲六化人旣爲大魁郡人同登第者幾三十人予
一日於江北路茶肆小憩繼一士人坐側因揖之且詢其

鄉里云興化落第人也予因謂之曰仙里既今歲出大
魁而登科其之數復甲天下是可慶也其人嘆息曰昔黃
涅槃有詩語云拆了屋換了椽朝京門外出狀元初徐
鐸振夫公作魁時改建此門近軍爲變城門焚毀太守復
新四門而此門尤增崇麗黃居門外區市中而左右六
人同遇難一時盛事亦皆前定非人力所能較也春渚紀聞

留從効識

閩王氏上國留從効繼領留務雖稱藩南唐實雄據一
隅先是言妙應大師黃涅槃有識云先打南後打北留取
清源作西國後清源果有干戈之擾爲從効姓名之應
又留從人陳智廣者中和初居九座山不茹葷所言

福必驗留從効待之甚厚常有識云卯下田力交連井
中坐二十年從効果據泉州如其言而後滅全唐詩紀

鷺門磚識

閩人陳甯嘗著一書中載一則云鷺門僧貫一以請經
過會城禹予竹房言去夏夜坐籬外小陂陀有光連三
夕發之付古磚背印兩圓花突起面刻隸字四行文曰
草雞夜鳴長耳大尾千頭銜鼠拍水而起殺人如麻血
成海水生女滅雞十億相倚起年滅年六甲更始庚小
熙皞太十八紀貫一覺有異默識其文投磚海中予錄
觀之似悲泉海之事乃比者撫成且藉鎮定又若無徵
然三復詩繹不能不結把憂彼女何人庚小熙皞又何

世哉爲之太息予按此書爲崇禎庚辰刻本康熙癸亥
在京于無知山公寓中見之其言草雞長耳大尾離合成
鄭字謂之龍也于頭銜鼠爲甲子鄭以甲子叛以甲子
亡故云云甲更始生女十億女加兆爲姚豈謂總督姚
啓聖乎啓聖門卽今廈門前年巡撫吳興祚克廈門今年
姚啓聖古公臺灣而鄭氏無遺種矣然姚在閩頗自恣爲
臺中所贈乃名應識緯若此卽於癸亥死矣又何忽也
獨喜庚小燕輝爲今上紀元太平八紀萬壽無疆爲天
下臣民之慶云

良齋續說

三山影

福州城中有九山諺云三山藏三山現三山不可見九

仙烏石越王其現者也羅山冶山閩山其藏者也又有
隱隱磅礴於閩閩問者曰靈曰芝曰鐘故曰不可見也

清流諺

清流因山高峻接竹引泉以代汲卽湍駛急使水轉軸
以代舂民樂農圃編竹蔽閩市無遊女焉宦游之人爲
之諺曰清流爲縣家懸竹片任官數載莫覩閩面

閩書

液雨諺

閩俗立冬後遇壬日謂之入液至小雪出液得雨謂之
液雨無雨則主來年旱諺云液雨不流擇高田不要作
又謂之藥雨百蟲飲此水而蟄林公有詩云液雨初生

小院寒

押史
葉編

山海諺

閩中諺山上疊海下鰓又方言山食鵾鵠麇海食馬鮫

鰓蓋兼美之

閩書

橘黃諺

莆田諺曰橘子黃醫師藏

明詩
錄

陸建州諺

陸長源字詠之吳人諧易無威儀而清白自將其刺史
建州民歌之曰陸員外陸員外令我州郡泰令我戶口
裕令我活計大陸使君陸使君令我家不分令我馬成
年令我稻滿園後爲汝州刺史送車二乘曰吾祖罷魏

州有車一乘圖書半之吾媿不及先人矣

閩書

閩王謠

光啓中陳巖爲福建觀察使童謠曰潮水來山巖沒潮
水去矢口出其後王潮果代巖而審知襲位乃其應也
時又有謠曰騎馬來騎馬去蓋光啓丙午國亡之應也
王審知治城城有錢文惡之命剗去而其文愈明又有
謠曰風吹楊葉鼓山下不得錢來兵不罷後福州軍校
李仁福殺帥自立而歸款於金陵旣而又叛李璟璟攻
之仁福又求救於錢塘比錢塘兵至而江南圍解獲其
將楊匡業乃其應也

青箱
雜記

潞萊謠

全蘭詩話

卷三

五

詩話軒

蔡京童貫用事當時謠曰打破筒潑了菜便是人間好

世界宋神宗

蘿蔔精謠

蔡侍郎準少時常有二人見於馬前百方襁褓不能遣
慶曆二年生京而一人不見又二年生卞乃俱滅元符
末都城童謠云家中兩個蘿蔔精撞著潭州海藏神至
崇寧中賣餞餚又有一包菜之語其事皆驗而京於靖
康初貶死長沙豈潭州海藏亦驗於此耶

團社謠

元祐正十七年正月諸鄉各起團社吞併田土民怨有
謠云吾儂生長莆山曲三尺茅簷四尺屋大男終歲食

無鹽老婦蒸蒸淚盈掬阿郎辛苦學弄兵年年敗鹽南
海濱擔頭有鹽兵一束羣行大隊驚四隣邇來紅巾掠
州縣沃野平民不知戰賢哉太守死作灰勇矣林僧命
如線林僧一戰功業單策馬東走來蒲山山人躑躅喜
相遇邀我鄰社東南旋我鄰我社輕死士苦竹長鎗兼
丈五白從行刼出社來社甲吹螺整行伍時維癸巳夏
五月晴暑微民正愁絕螺聲隱隱入郭門白旆央央下
林樾饑兒寡婦常諮諮老弱奔走趨道隅馱贍翻羽動
天哭虎豹掉尾何時需空城一炬灰燼後車蓋歸來仍
白授阿娘垢面迎相公西鄰推牛換新酒酒酣拍掌浩
浩歌天地雖大如吾何女兒朝餐饜梁肉走卒出市陳

干戈市人纍纍喪家狗路上相逢盡纏首儒巾驚駭迎
先鋒小兒號哭畏郎吼老翁再拜乞見憐自從亂後無
一錢舍人官買雞豕盡有田未種蠶未眠先鋒拔刀倍
嗔怒縛得老翁出門去妻兒哭泣投社官願獲生全拜
君賜社官點頭兒始懼年來錢鈔交莫慳爾田倘入莆
社籍爾屋老稚從居安我田我廬不足惜應當門戶誰
出人生男願作社中吏生女願作先鋒妾胡然太府亶
不聰有書輒上莆社公相臺主人任刀筆札札按覆皆
相同向來壤地方萬里比屋豪華皆武士五侯同封不
足誇一家十輪未爲易匹夫勢轉千乘強驅役百姓如
驅羊編民貢稅入私室小大驅合無邊方手提文印綠

衣者餓食無魚出無馬流離安集無定期蓬蒿獵獵荒
城下道旁遺老問行人泰安有社民未貧行人感額皆
相語我聞公社吏更仁前年泰安掠城邑未曾入城先
報捷前師失利後師奔一市橫屍更稠疊至今大厦環
州宮一門公相皆弟兄豺狼盤踞食人肉一叱一咤風
雲生我聞有命不敢告俯首未言膽先破老翁聞此雙
淚垂風雨洗天何日到

福寧州志

築城謠

至正二十一年十月泰安社築城是時凡橋道墳墓盡
毀掘莫敢誰何民作謠傷之云袁君袁君誠兒嬉東山
之下築城池掘人塚石疊牆塹占民田土開營基欲謀

於此脰霸業并蛙尊大情何癡役民荷鍾任犁穴無骸
不露堪歔歔前人盡辭長夜室天陰露冷涼揪悲山中
獨存袁氏墓若堂之封何巍巍又見若坊若夏屋芙蓉
築城芳菲飛無歸之鬼欲託處游目一見動所思鬼靈
相率語其下主人肅入安便宜衆鬼夜深苦啼哭主人
慰勉甘其詞惟桑與梓焉有舊顛危自合相扶持兒孫
祭掃同爾享佳城爽境同爾歸且叙平生受苦語又奚
深夜啼悲爲衆鬼致詞恤久遠天地循環何所期城池
恐爲他人得他人又嫌牆塹尋發塹令民更增築吾家
已破牆無基恐人掘石人君墓嗟予與君俱無依

福寧州志

至正二十四年開王埕田令人四方射矢所及悉爲社
田民怨有謠云山蕞魏兮無麥原白麪細粉常盈盈林
森森兮無桑柘錦繡綾羅色相亞出門見嶺不見江案
前羅列皆鱸魴兒童吼閩南山下剩逐牛羊與驢馬山
妻嘻笑臨堂前滿頭珠翠垂翩翩自言獲功始三載勝
如仕宦數十年但願魁寇未殄滅與我增財廣買山間

田

福寧
州志

提學譚

嘉興譚曰言爲福建提學人有投私書者概不發試竣
題數行裹原書復之閩人語云來一封去兩封以爲不

信視郵筒

明詩
綜

全閩詩話

卷十一

三

詩話

南平民頌

真寶蒙古人由崇安主簿擢政和達魯花赤改調南平
政和人集其政績曰泰和善政錄既至南平民爲歌曰
真彝齋早不來田棄稼穡家棄孩天之復從民欲彝齋
下車悍吏逐風雨適時歲成熟彝齋真寶號也後官至
監察御史

閩書

刻石頌

蔡真元延祐中任興化尹士民刻石頌之曰游洋山水
高且清蔡侯作宰稱神明不貪以昧如壺冰不反以側
如衡平田野以闢學校興盜賊以息獄訟清倬擢調何
先民遊義廩謂何窮餓矜磨崖有石我鐫銘彼來嗣者

監典刑 問書

石壁篆文

唐開元中漳泉二州分疆界不均互訟於臺制使不能斷迨數年辭理紛亂終莫之決於是州官焚香告於天地山川以祈神應俄雷雨大至霹靂一聲崖壁中裂所競之地拓爲一逕高千尺深僅五里因爲古道壁中有古篆六行二十四字皆廣數尺雖約此爲界人終莫識貞元初流人李協辯之曰漳泉兩州分地太平永安龍溪山高氣清千年不惑萬古作程所云永安龍溪者兩郡界首鄉名也

太平廣記

永福石篆

石在福州永泰縣觀音院後山上世俗多傳以爲僊篆
太常博士黃孝立闢人也嘗爲予言其山無名上多頑
石無復鐫刻之蹟如人以手指畫泥而成文文隨圓石
之形環布之如車輪循環莫知其首尾又言孝立嘗至
廣州見內蕃人以夷法事天日夕焚香拜金書字號爲
天篆者正類此然不能曉也今人才有以道家之言譯
之者曰勒道守三一中有不死術亦莫知其是非也集錄

于山石字

九仙山麓居民嘗淘井出石一片廣踰尺縱尺五六寸
有文九行云我有一莊園寄在于山邊于山九道士呼

名爲九仙輒然來相賀磊老自相傳李公來戰日此無
一一物只有一積金寄在于山莊不在中山中只在隴
西郡我住東西城莊在于山下有人若不信但看碑中
語只看于山松于山金出現不在路旁只在中隴西拾
得無分張時人莫笑金泥師拾得金泥也有富語多鄙
俚又有一石末有太和二年宇文云吾年乙丑金園一
片寄在山前在山左臂不歸庚申須歸乙未留傳子孫
衣錦次第時人見碑吾今在世按太和乃晉廢帝年號
碑語不可解字跡婉秀似晉人風度

林來齋金石考

縣治石銘

宋慶曆四年秘書丞張緯出宰莆田再新縣中堂其基

太高不與他室等治之使平得石銘長五尺濶如之按之無刊鏤痕乃墨蹟也其文曰石敢當鎮百鬼壓災殃官吏福百姓康風教盛禮樂張唐大曆五年四月十日縣令鄭押字記並有石符二枚具存自唐大曆五年至宋慶曆四年墨蹟如新亦一奇事也

青墳集

熊博古塚銘

熊博爲建州刺史寓治建陽嘗乘舟江上見山岸崩齧處有棺將墜博使人往視之則有銘焉其詞曰筮卦吉龜卦凶三十年後洪水衝欲陷不陷被藤縛欲落不落彼沙閣五百年後遇熊博博感嘆爲移葬他里後仕至工部尚書

易體小品

沈彬壙銘

沈彬同安人嘗指墓穴於長泰縣恭順里曷山之旁以示家人後開壙有漆燈一盞以石爲臺壙頭有銅牌篆文云佳城今已開雖開不塋埋漆燈猶未滅留待沈彬來後有狀元沈晦者卽其苗裔也

古今詩話

韓熙載妻墓銘

大觀初有危氏塋於西塔山踰月雨過視墳側有痕掘之得銀杯二銅水缶及鏡一又得埋銘石其文曰琅琊王氏女江南熙載妻丙申閏七月塋在石城西云按熙載北海人南唐時爲中書侍郎有才氣多藝能談笑風流爲當時冠然少年疎傲老忽細謹畜妓四十輩縱其

與客雜居日以自汙避禍後王短其少檢貶右庶子分
司東都乃盡斥諸妓後王喜留爲秘書監俄復故官欲
遂大用之而去妓悉還今未知熙載妻是姓王與否豈
在四十餘人之列者乎

夷堅志

罾浦坊

罾浦坊地各河東初郡人有詩曰疑是分開混沌初奔
竒走秀兩相於等閒開闢多栽竹行到人家盡讀書宴
飲直嘗千戶酒盤餐惟候兩潮魚九華峰頂真仙宅罾
浦坊中出輔車

閩書

高蓋山

高蓋爲閩中佳山雖左僻名勝往往遠從游覽吟題其

富有一聯云雲幄護壇仙世界水簾遮室佛家風時人
賞之以爲能點出山中眼目云游宦紀聞

南浦

南浦以江淹名舊志載詩一首甚佳不知何人所作詩
曰南浦春流漲綠波溶溶漾漾浴國多銷魂尚記江淹

賦碧草青苔送別何

浦城縣志

逃奴嶺

政和有逃奴嶺縣志云嶺名不知何義舊傳詩云憶昔
炎劉法網疎季生當醢却傭逋至今猶號逃奴嶺簇簇
人家誰姓朱蓋不知其義而借用季布事今按建安志
梅福煉丹響山其徒陳先生嘗竊食之福怒持劍逐先

生先生逃入浮玉洞乃捨之今洞名逃奴意陳先生經
斯嶺矣 閩書

分水驛

夢筆驛乃江淹舊居有題絕句云一宵短夢驚流俗千
載高名掛里閭遂使晚生矜此意凝眠不讀半行書又
有書建州崇安分水驛一絕云江南三月已聞蟬麥熟
梅黃蘭作綿料得故園烟雨裏輕寒猶作養花天詩有
風人遺意惜不知作者姓氏也 堅敏集

沙溪

興化沙溪驛有詩題壁云沙溪祇是舊沙溪今日重來
路欲迷獨有暮鴉知我意白雲深處盡情啼 座右編

臨江軍驛舍

紹聖中有人過臨江軍驛舍題二詩不書姓名時貶東坡毀上清宮碑令蔡京別撰詩云李白當年謫夜郎中原不復漢文章納官贖罪何人在壯士悲歌淚兩行又云晉公功業冠皇唐吏部文章日月光千載斷碑人膽炙不知世有段文昌

侯鯖錄

上元張燈

上元有燈毬燃燈弛門禁自唐先天始本州准假例三日舊例官府及在城乾元萬歲大中慶城神光仁王諸大刹皆掛燈毬蓮花燈百花燈琉璃屏及列置盆燎惟左右二院燈各三或五並徑丈餘簇百花其上燈蟭蠋

十餘炬對結綵樓爭靡闢艷又爲紙偶人作緣竿履索
飛龍舞獅之像縱士民觀賞朱門華族設看位東西衙
廊外通衢大路比屋臨觀仍弛門禁遠鄉下邑來者通
夕不絕有綵山州向譙門設立巍峩突兀中架棚臺集
俳優娼妓大合樂其上渡江後停寢紹興元年張丞相
浚爲帥復作自是不廢有觀燈舊例太守以三口曾監
司命僚屬招郡寄居者置酒臨賞旣夕太守以燈炬千
百郡妓雜戲迎往一大剎中以覽勝州人士庶却立跂
望排衆爭觀爲樂本州司理方孝能詩街頭如畫火山
紅酒面生鱗錦障風佳客醉醒春色裨新粧歌舞月明

建灘

海寧查侍讀嗣璫同梅定九朱宇錄張青雨過建灘作
詩曲盡形險今錄其八首初登清流船船小防內首一
龍不盈丈兀兀坐卯酉及經火燒灘灘淺尚堪受此地
昔嶮峽山根蟠地厚傳聞用火攻石爛洩水口一線鑿
因門垂龍渴逾吼榕城百水驛硯硯十八九直宜捨舟
楫復事馬牛走一笑謝長年毀車吾已久似罄衆灘石
乃築地一門寧知跬步間溪轉石愈繁大者各磊落五
嶽分位尊小者尤縱橫八陣連雲屯此方昔割據局促
開乾坤霸氣鬱未消石勢猶併吞撫茲一長嘆恃暴安
上存積陰埋幽壑灣濶萬古照形氣所軋成變幻謝繩墨

位蓋喻人工並非造化力欲以五字詩竭意作鐫刻有
如草間虎屐射鏃不沒安得煉石手叱汝變五色石勢
逞雄傑欲遣水鬱盤水從排空來鐵梢不可攔有時千
百丈掣電飛雲端有時五三折陡起尺咫間兩怒各未
半白晝蛟龍搏舟子力難恃應變須神完倒纜挽逆急
如作壁上觀決計在針鋒脫險過彈丸水亦自相闔直
立高於屋我封攔水底低受浪不足如逢吞舟魚突過
浦魚腹驚雷鉅風中轉失耳目一躍出重圍天晴山
水綠山形乍開豁湖心少息蕩槳聯眸啞夷猶弛睢
力我亦覽圖賞微吟意稍適有石聲砉然忽破船底人
水面石可妨水中石難測君子慎履坦索塗須摘堦造

月滿何人斷木如紙薄常恐遭魚龍木足當一攫豈知
盜擊觸善受賴柔弱百折付一招繞指霹靂作彎環象
運鼻屈曲蛇赴壑招招真吾友性命印汝託下水例買
米上水例買鹽買米利無幾買鹽贏倍漆利多非汝福
官府禁晁嚴貪心溺不戢終恐懼髡鉗往來各有欲輕
取已不廉擇利莫若輕米賤汝勿嫌

榕陰
詩話

閩中寺

建州山水奇秀剏寺落落相望僞唐建安寺三百五十
一建陽二百五十二浦城一百七十八崇安八十五松
溪四十一關隸五十二僅千區杜牧江南絕句云南朝
四百八十寺謂是金陵

詩話
總龜

銀俵

朱元芳族人家閭邵汀山峪中得窖金銀器歸忽忽穢
甚不可禁且小口時有癰厥長老云是流賊窖金時常
困苦一人至求死不得約之曰爲我守窖否其人應許
復苦之如是數四應許閉之窖中遇命者祭度而後可
朱氏如教上章曰汝爲賊守久當我得此金度汝命已
而穢淨病已朱氏用富有中表周氏遇此度之終不能
得也反其金窖中昔聞虎俵茲爲作銀俵詩死仇爲仇
守俵爾何其愚試語穴金人此術定何如

寄園寄所寄

鳳唼硯

東坡鳳唼古硯銘云帝規武勇作茶園山爲孤鳳翔且

嗅下集芝田啄瓊玖玉乳金沙散虛竇殘嶂斷壁澤而
黝治爲書硯美無有至珍驚世初莫售黑眉黃眼孕妍
陋蘇子一見名鳳珠坐令龍尾羞牛後余至富沙按其
地里武夷在富沙之西隸崇安縣土城二十餘里北苑
乃龍焙每歲造貢茶之處卽與武夷相去遠甚其言帝
規武夷作茶園者非也想當時傳聞不審又以武夷山
爲鳳凰山故有山爲孤鳳翔且嗅之句其實北苑茶山
乃名鳳凰山也北苑土色膏腴山宜植茶石殊少亦頑
燥非硯材余屢至北苑詢之土人初未嘗以此石爲硯
方悟東坡爲人所誤耳若劍浦黯淡灘有一種石黑眉
黃眼自舊人以爲硯余意鳳珠硯必此灘之石然亦與

武夷相去遠矣

漁隱叢話

北苑茶冠天下歲貢龍鳳團然不得鳳凰山味潭水則不成潭中石蒼黑堅緻如玉以爲硯與筆墨宜世初莫知也熙寧中太原王願始發其妙吾兄子瞻始名之然石性薄厚者不及寸最後得此長博豐碩蓋石之饒子瞻方爲易傳日效於前與有功焉銘曰陶土塗鑿崖石玄之蘊穎之賦涵清泉閎重谷聲如錫色如鐵性滑堅善凝墨東不取長嘆息招伏羲揖西伯發秘藏與有力非相待誰爲出

樂城集

天冠千佛

支提山華嚴寺去霍童二十里寺前有玉龍潭爲山神

應坡華嚴經東南有處名山號曰支提從昔以來諸菩薩衆於中止住現有菩薩名曰天冠與其眷屬諸菩薩衆一千人俱常在其中而演說法山在霍童萬山中週迴數十里茂林蔽日古木生斑四面拱翠絕無烟火東聯高蓋山西接那羅延窟南入化成林界北距紫芝峯常有祥雲覆其頂時夜放光現未常有經云天下有五法界天地水風火茲爲天界云宋大梁王平國詩羣峯翠擁古禪關夾道松篁五月寒欲識天冠真隱處白雲架頂鎖金壇王簿陸游詩高明每慣習鑿齒巨眼適逢支道林共語不知紅燭短對床空嘆白雲深現前鐘鼓何曾隱匝地毫光不用尋欲識天冠真面目鳥啼猿嘯

總知音 閩書

石船

石船山在洛陽江頂奇石橫插山巔形類船然令葉春
及詩石船高駕碧山頭似畏風波急暮流十二時中平
地起問君何事不堪愁又木蘭爲楫桂爲橈南接端明
學士橋我自虛舟人不識海門風雨日瀟瀟令錚錚強
頂蓋自感而作 惠安縣志

漁榔

馬嶺又名甲嶺宋僞學禁起晦菴朱子過泰寧宿是地
小均李氏遺琴一張爲書恂如二大字以法琴之陰有
鐫刻首橫漁榔二字下分兩行書之曰磯磯夫須蕭然

萬物之表槁項黃馘闐然一葦之杭與鷗鷺而物化發
山水之天光潛鱗出聽是謂漁榔後歷數家傳以爲寶
調書

荔枝

閩士赴科臨川人赴調會京師旗亭各舉鄉產閩士曰
我土荔枝真壓枝天子釘坐真人天下安有並駕者撫
人不識荔枝之未腊者故盛王楊梅閩士不忿遂成喧
競旁有滑稽子徐爲一絕云閩誇玉女含香雪吳羨星
郎駕火雲草木無情爭底事清明經對赤叅軍貴耳集

金釵雙捧王纖纖星宿光芒動滿堂解笑詩人誇博物
祇知細果味酸甜曾子固荔枝詩也白樂天荔枝詩曰

津液甘酸如醴酪杜子美詩云紅顆甜酸祇自知故前
詩譏二公也政和初閩中貢連株者移植禁中次年結
實不減十出道君御製詩云玉液乍凝仙掌露絳紗初
脫永品九蓋體物之工矣時羣臣皆應制焉墨莊漫錄

柚

柚大而麤柑橘中最下品也福延間多有之花亦奇大
三月間開香氣甚郁余嘗有詩云最好南平二月景滿

城微雨柚花香

閩部疏

壑源茶

蘇黃二公皆有詩稱道壑源茶蓋壑源與北苑爲隣山
阜相接纔二里餘其味甘香特在諸私焙之上東坡和

曹輔寄壑源試焙新芽詩云仙山靈雨濕行雲洗遍香
肌粉未勻明月來投玉川子清風吹破武林春要知王
雪心腸好不是膏油首回新戲作小詩君一笑從來佳
茗似佳人山谷謝送碾賜壑源揀茶詩云霽雲從龍上
蒼壁元豐至今人未識壑源包貢第一春細奩碾香供
玉食睿思殿東金井欄甘露薦枕天開顏橋山事嚴庀
百局補袞諸公省中宿中人傳賜夜未央雨露恩光照
宮燭左丞似是李元禮好事風流有涇渭肯憐天祿校
書郎親敕家庭遣分似春風飽識大官羊不慣腐儒湯
餅腸搜攪十年燈火讀令我胸中書傳香已戒應門牛
馬走客來問字莫載酒文昌雜錄云庫府林郎中說建

州上春採茶時茶園人無數擊鼓聲聞數里然一園中間壟茶品已相遠又況山園之異耶

魚隱
茶話

芽茶槍旗

凡芽茶數品最上曰小芽如雀舌鷹爪以其勁直纖銳故號芽茶次曰中芽乃一芽帶一葉者號一槍一旗次曰紫芽一芽帶兩葉者號兩旗一槍其帶三葉四葉者皆老矣芽茶早春極少景德中建守周絳爲補茶經言芽茶只作早春馳奏萬乘嘗之可矣故一槍一旗纔號芽茶是爲挺特王金陵送人長闌詩云新茗齋中試一旗調揀芽也

北苑貢
茶錄

進茶

陸羽茶經裴汶茶述皆不載建品唐末然後北苑出焉
宋開寶間始命造龍團以別庶品厥後丁晉公漕闕乃
載之茶錄蔡忠惠又造小龍團以進東坡詩云武夷溪
邊粟粒芽前丁後蔡相籠加吾君所乏豈此物致養口
體何陋耶茶之爲物滌昏雪滯於務學勤政未必無助
其與進荔支桃花者不同然充類至義則亦宦官宮妾
之愛君也忠惠直道高名與范歐相亞而進茶一事乃
儕晉公君子之舉措可不謹哉

鶴林
玉露

世言團茶始於丁晉公前此未有也慶曆中蔡君謨爲
福建漕使更製小團以充歲貢元豐初年建州又製密
雲龍以獻其品高於小團而製益精矣曾文昭詩云蒲

陽學士達萊仙製成月團飛上天又云密雲新樣真可喜名出元豐聖天子論者謂君謨學行政事高出一世獨貢茶一事比於宦官宮妾之愛君而閩人勞費於茶貽禍無窮蘇長公亦以進茶譏君謨有前丁後蔡之言云

堅敏集

協韻

四方聲音不同形於詩歌往往多礙其來久矣如北方以行作形故列子直以太行山爲太形又如居姬與以高俄等音古今文士皆作協韻雖釋文亦然禮記何居注云居音姬列子何姬却注云音居其他詩文與以呂累之類尤多近世士大夫頗笑閩人作賦協韻云天道

如何仰之彌高殊不知蘇子由蜀人也文集第一卷嚴

碑長韵磨訛高豪何曹荷戈亦相間而用云

二老堂詩話

四方之音有訛者則一韵盡訛如閩人訛高字則謂高爲歌謂勞爲羅秦人訛青字則謂青爲萋謂經爲稽蜀人訛登字則一韵皆合口吳人訛魚字則一韵皆開口他倣此中原惟洛陽得天地之中語音最正然謂絃爲立謂玄爲絃謂犬爲遭謂遣爲犬之類亦是不少

老學菴筆記

紅酒

酒之種類多矣有以綠爲貴者白樂天所謂傾如竹葉盈尊綠是也有以黃爲貴者老杜所謂鶯兒黃似酒是

也有以白爲貴者樂天所謂玉液黃金卮是也有以碧爲貴者老杜所謂重碧酤新酒是也有以紅爲貴者李賀所謂小槽酒滴真珠紅是也今閩廣間所釀酒謂之紅酒其色殆類胭脂西陽雜俎載賈璿家蒼頭能別水常乘小艇於黃河中以瓠匏接河源水以釀酒經宿色如絳名爲崑崙觴是又紅酒之尤也

韻語陽秋

酒帘

王達以祠部外郎知福州尚氣自矜福唐有當壚老媼嘗釀美酒士人多飲其家有舉子謂曰吾能與媼致十數千媼信乎媼曰倘能之敢不奉教因俾媼市布爲一酒帘題其上曰下臨廣陌三條濶斜倚危樓百尺高又

謂曰太守若出呵道者必令媼卸酒帘但佯若不聞俟
太守行馬至帘下卽出卸之如見責稽緩卽推以事故
謝罪而已必問上酒帘詩句何人題寫但云某嘗聞飲
酒者好誦此二句言是酒望子詩媼遂託善書者題於
酒旗上自此酒售數倍王果大喜呼媼至府與錢五千
酒一斛曰賜汝作酒本詩乃王咏酒旗詩也平生最爲
得意稗史
彙編

清流船

錢塘吳中林廷華以中書舍人通守興化數年去職僑
居蕭寺穿穴費孔著二禮疑義數十卷其集有龍山歐
冶金鼈見山南臺皆在閩時作也清流船十首云五篙

何處賦招招一片雲帆近大橋生怕橫山溪水急開船

趕得午時潮

橫山橋溪水東下船必乘潮而西乃得濟

蓬如半月壓船舷只

許侏儒自在眠桅脚開窓方尺五居然小有洞中天荒

村破曉一雞鳴朝日山頭漸次明不似惜花春起早擁

衾徐聽憂銅聲

天明翼者憂銅舟人乃起

不爲和羹佐傅巖何曾忘

味有蘇髯上游玉粒成勦換水口關頭爭食鹽

上游鹽價甚昂

舟人多私載覓利水口設閘必查許財食鹽五十觔

如戟如刀千萬峯羊腸鳥道

水溶溶鐵梢公自誇能事不怕峻嶒石有鋒花豬肥肉

玉如肪還買河魚一尺強齒齒灘高明日過晚來先獻

九龍王

舟人專祀九龍王蓋九龍淵神

鐵脚層冰未覺寒百錢水袴費

艱難赤身不怕陽侯怪笑踏波濤過淺灘

水袴長不滿尺入水寄之

村醪無過麯芽紫秣米朝蒸甕晚開一飯便浮三大白
鋪糟不待漉巾來樵蘇水畔一舟橫留得青山客不爭
柯斧滿林誰是王白雲深處聽丁丁上水艱難千里多
柴枝米粒易消磨今朝到岸都歡喜小武當山一笑過
山在蒲城縣南

搭陰詩話

鐵佛殿石礮

福州開元寺在城中小山上而寺包於山所謂三山見
三山藏者此一藏山也其山名芝山又名櫟山相傳以
本山櫟木爲寺因山有怪鑄鐵佛鎮之又名鐵佛殿殿
後香積有大石礮長二丈橫二尺強高三尺勒以字云
僧有餘等十人回何宅法事錢七貫藏山弟子倪先與

室王四孃捨五貫勸緣僧以慈捨二貫霖化二貫同造
石磧及棧尾澗永安尉下作緣大觀二年五月日題按
大觀宋徽宗年號此亦五六百年舊物且題字亦甚古
其所云回法事錢者卽西廂所云回施者也勸緣僧卽
募緣僧也化者抄化也特不知棧尾澗是何物或曰棧
卽覓可承水者間以石爲之因承水之末故曰尾水然
不可考矣時見者多題詩壁間有五絕頗佳曰蓮瑯銷
紅字苔錢洗碧流不虞香積下尚有石綱留然惜無姓

字

西河
詩話

通應子魚

蒲陽通應子魚名著天下蓋其地有通應侯廟廟前有

港港中魚最隹今人必求其大可容印者謂之通印子
魚故荆公亦有詩云長魚組上通三印此傳聞之訛者
通鑑

魚通印之語本出於王荊公送張兵部知福州詩長魚
組上通三印之句蓋以福州瀕海多魚其大如此初不
指言爲子魚也東坡始以通印子魚對披綿黃雀乃借
子字與黃字爲假對耳山谷所云子魚通印蠔破山蓋
承而用之陳正敏遜齋閒覽云其地有通應廟廟前港
中子魚最隹王初寮詩通印子魚鹽透白正采其說郡
人黃處權云興化子魚去城五十里地名迎仙者爲上
所產之處土名謂之子魚潭而已初無通應港之名有

天福祠賜額曰顯應乃遜齋所指之廟者亦非通應也
潭傍又有小祠一間卑陋之甚農家以祠田神好事欲
實遜齋之說遂粉刷一篇妄標曰通應廟側題五小字
曰元祐某年立此尤可笑且用神廟封額以名土物他
處未嘗有也

密齋
四筆

韓子蒼謝泉州連使君寄子魚絕句驛騎持書自海傍
開籃剥喜子魚香紅螺紫蛤俱羞避獨許渠儂近酒觴
子魚味鹹止可噉水飯若作酒品之物殊無風味子蒼
之言誤矣

漁隱
叢書

光餅

洛城市有光餅相傳爲戚繼光行軍時所作中林有詩

云餅師曉熨紅爐炭光餅羅羅出火爇初疑穿破沈郎

錢

餅有孔如錢黃色

還如壓扁韓嫣彈聞昔南塘威將軍禦倭

遠走東海岸三軍千里裹糧來徵發往往悞朝爨特作

此餅散軍中一串隨身掛鎧釘干戈衝斥任鯨吞臨陣

含餬和血汗身經百戰兵不饑士氣激發倍驍悍以此

克奏保障功東南半壁推屏翰將軍去今二百年餅式

依然傳里閭此餅因冒將軍名婦豎知名日相喚我生

太平不知兵出謀不翅肉食漢朝來市得數十枚一時

恣啖早過半朶願最喜得真味入座無事求鹽蒜有時

爲客添肥甘裹食呼童割臙脾飽餐閒聽餅家謳鼓腹

遊行樂無算走筆書成光餅歌饌經補作新公案

格陰詩話